

Date – 15/05/2026

Time - 18:30 -18:40Hrs

AKASHVANI AIZAWL
REGIONAL NEWS BULLETIN
HEADLINES (EVENING)

1. Census Operation 1st Phase 2027 chu zawh fel a ni a, Mizoram district 11 ah April ni 1 atanga April ni 15 chhunga mahni in lum atanga Self-enumeration ti mi 12,655 an awm a ni.
2. Chief Minister Pu Lalduhawma'n khualzin hip nan leh dawnawm nan Zo Nun Ze mawi lantir zel a tul thu a sawi.
3. Union Minister of State for Consumer Affairs, Food & Public Distribution Pi Nimuben Jayantibhai Bambhaniya chuan Sawrkar hmalakna hrang hrang mipuiten a zar an zo theih nan inhrilhhriat tam a pawimawh tih a sawi.
4. Prime Minister Narendra Modia leh UAE President Sheikh Mohamed bin Zayed Al Nahyan te chuan vawiin khan Abu Dhabi ah energy lama thawhdunna leh sumdawmna chungchang an sawidun



CENSUS OPERATION

Census Operation (House Listing & Housing) 1st Phase 2027 chu zawh fel a ni a, Mizoram district 11 ah April ni 1 atanga April ni 15 chhunga mahni in lum atanga Self-enumeration ti mi 12,655 an awm a ni.

Vawiin khan Census Operation Director Vinod P. Kavle chuan Press Conference kovin, Mizoram chhunga House Listing 100-a 100 zawh fel a nih thu a sawi a. Census 2027 1st Phase chu April ni 16 atanga vawiin May 15 inkarah field worker, enumerator te chuan in tinah kalin Census hi an kalpui a ni.

Census Operation Director chuan Census 2027 Phase 2 neih hun chu nakkum February thlaa neih a nih a rin thu a sawi a, Phase 2 neih hunah Mizo mipui te tawiawmna tha tak an hmuh ngei theih nan thawktute, kohhran leh tlawmngai pawl te tanpuina a ngen nghal bawk a ni.

Census 2027 Phase 2 neih leh turah hian Mizorama mihring awmzat lakkawm a ni dawn a, hetah hian caste census te, economic census leh thil dang tul te lakkhawm a ni nghal bawk ang.



CM AT KHAWZAWL

Chief Minister Pu Lalduhawma'n khualzin hip nan leh dawnsawn nan Zo Nun Ze mawi lantir zel a tul thu a sawi.

Khawzawl Sub-Hqrs YMA Inkhawmpui Vawi-2na a hmanpui na ah he thu hi sawiin Pu Lalduhawma chuan Mizoram tlawhtu khualzin tam takin Mizoram mawina bakah Zo nun Ze mawi chu an hlut thin a ti a, khualzin hip nan leh dawnsawn nan zo nun ze mawi lantir zel a pawimawh tih sawiin a ti hlawhtling turin mitin an pawimawh tih a sawi.

Pu Lalduhawma chuan ruihhlo do kawnga tan lak thar a pawimawh tih sawiin sawrkarin ngawlvei chhanchhuah kawngah theihtawp a chhuah a ti a, thalaite ruihhlo laka an fihlim theih nan khawtlang nena tanrual a pawimawh tih a sawi bawk.

Khawzawl Sub Hqr huam chhungah hian Group YMA pali, Branch 42 an awm a. Member hi 19,899 an awm mek a ni.



NH 102B BLOCKADE

NH 102B Pakage - II chu Joint Action Committee on NH 102B Ngopa te hmalakna in dan chhonzawm zel a ni a, khualzin tangkhang mi engemawzat an awm.

Kawng dan avanga khualzin tangkhang hi Manipur lam atanga lokal leh Manipur a haw tur an ni tlangpui a, Akashvani News thudawn danin NH 102B Package 2 hna a chhiat lutuk avangin Joint Action Committee chuan Total Bandh an huaihawt a, thuneitute an ngenna in awmzia a neih loh avangin nimin tlai atang khan tiam chin awm lovin kawngpui an dang a ni.

Voicecast

National Highway B102 hi Mizoram leh thenawm state Manipur inkalpawhna kawng pawimawh tak a ni a, he kawng siamtha tur hian Ngopa Joint Action Committee chuan thuneitute vawi tam tak anlo ngen tawh a, an ngenna in awmzia a neihloh avang hian kawng hi dan a ni a, kawng paltlang tum zin mite tangkhang engemaw zat an awm a ni.



NCC

NCC Director General Lt.Gen Virendra Vats chuan hmarchhak biala NCC tihchangtlun zel an tum tih sawiin training na hmun din belh zel turin sawrkar nen an indawr tih a sawi.

MINECO-a Gauhati High Court basement-ah vawiin khan biakhmuhtheihna kaltlangin NCC Group Headquarters office thar a hawng a, hmarchhak hmarchhak biala NCC tihchangtlun zel an tum tih sawiin training na hmun din belh zel turin sawrkar nen an indawr a ti a, ramchhunga hmarchhak hnam ziarang phochhuah anih theih nan Aizawla NCC office hawn chu a pawimawh tih sawiin NCC kal zel na turah hmasawna a thlen a beisei thu a sawi.

He hunah hian Brig.Gunjit Arora, Group Commander NCC chuan official twitter handle leh Instagram Page a hawng nghal bawkin, NCC chu Mizoram-ah chawinung zel turin hma an la dawn a ti a, NCC Alumni leh Cadet-te chu an thawrimna leh duty-a an inpekna avangin chawimawina hlan an ni bawk.



UNION MoS VISITS KHAWZAWL

Union Minister of State for Consumer Affairs, Food & Public Distribution Pi Nimuben Jayantibhai Bambhaniya chuan Sawrkar hmalakna hrang hrang mipuiten a zar an zo theih nan inhrilhhriat tam a pawimawh tih a sawi.

Ni 5 cham tura lo zin Union Minister hian nimin khan Lengpui Airport a lo tum hnuin Khawzawl District a tlawh nghal a, National Highway 6 a tlawhna ah NHIDCL hotute chu uluk taka kawng siam leh enkawl hna thawk zel turin a fuih a. KVK Khawzawl a tlawhna ah exhibition stall ama puala an lo buatsaih chu lawmawm a tih thu leh lian tham zawk leh school naupang pawhin an chhim theih tura buatsaih ni thei se tiin thurawn a pe a. KVK hmalakna hrang hrang Tomato, Alu leh Nihawi te tha a tih thu sawiin, an hmalakna hnuiaia kuthnathawktu mi 5 lain National Award an dawng thei chu lawmawm a tih thu a sawi a. Office leh a chhehvel fai taka an enkawl dan fakawm a ti hle bawk.

Minister chuan Ayushman Bharat Health Infrastructure Mission hnuiaia sak Integrated Public Health Laboratory (IPHL) a tlawhna ah Damdawiin hmunhma chu thawm that a tul thu a sawi a, Electric Veng Anganwadi Centre leh Khawzawl district chhunga Samagra Siksha hnuiaia Primary School awmchhun Little Flower Primary School pawh tlawhin school zirtirtu leh naupangte nen an inkawm a, zirlai naupangtenzirna in nuam leh changlung an neih chu a ngai pawimawh tih sawiin naupang himna a ngaih pawimawh thu a sawi bawk.

Union Minister of State for Consumer Affairs, Food & Public Distribution Pi Nimuben Jayantibhai Bambhaniya hi Khawzawlah a riak dawn a, naktukah Khawzawl District chhunga Chawngtlai khua a Handloom Training Centre te, Khawhai PHC tlawhin Chawngtlai khua a SHG leh PMAY (G) beneficiaries te nen an inkawm ang.



CM

Chief Minister Pu Lalduhoma'n tunlai thiamna hmanga mipuite tana awlsamna siam chu sawrkarin a ngai pawimawh tih sawiin Mizoram chu Digital State-a siam an duh thu a sawi.

Nimina Mizoram sorkar quarters luah dilna leh pekna online hmanga kalpuina tur a hawnna ah he thu hi sawiin Chief Minister chuan, sorkar quarters luah dilna chu lehkha thehluh hmangin kalpui thin anih thu leh computer pakhatat dahthat a ni a ti a. Quarters ruak, pension leh thihnate avanga singsak ngaite manual veka kalpui a ni thin tih sawiin enkawltu department tan leh a diltute tan thil harsa tam tak a awm thin a ti a, Online a kalpui ani tur chu lawmawm atih thu sawiin hnathawh a awlsam phah dawn tih a sawi.

Chief Minister hian nimin khan Mizoram Cooperative Apex Bank in Reserve Bank of India hnuai Scheduled Bank an hmuh lawmna Aijal Club-a an buatsaih hmanpuiin Bank hrang hrangte inzar pharh a hmun kikhawr zawka awm mipuite ban phak nih tum turin a chah a, sawrkar hmachhawp lian ber chu mi harsate khai chhuah ani tih sawiin a ti hlawhtlinng turin Bank hrang hrangin theihtawp an chhuah a tul thu a sawi a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



MISHAP

Nizana Aizawl Chanmari-a Bike leh Scooter insutna ah Scooter a chuang Nl. Zonuntluangi (23), Thingsulthliah khua a thi a, Scooter su tu Bike 2 khalhtu man an ni.

He chetsualna hi nizan zanlai dar 12 vela thleng a ni a. Scooter leh Bike hi Chanmari-a CH. Saprawnga Building kawtah an insu a. Scooter hnunga chuang Nl. Zonuntluangi chu ka pawh chhawn lovin a hmunah a thi nghal a ni.

He chetsualna thleng chungchangah hian Aizawl Police Station-ah thubuai ziah luh a ni a. CCTV footage atanga lan danin Bike a chuang te hian wrong side ah tlanin Scooter hi an su a, Bike pakhatin scooter a sut tluk hnuah a hnunga wrong side thoa rawn tlan Bike dangin Nl. Zonuntluangi hi a rawn su zui a ni.

Nl. Zonuntluangi ruang hi Postmortem a nih hnuah vawiin chawhnu dar 2 khan an khua Thingsulthliah-ah vui liam a ni.



POL

India ram pumah tukin dar 6:00 atang khan Tuialhthei (Petrol & Diesel) man tih san a ni.

Indian Oil Corporation Limited (IOCL)-in Rate thar a siam angin Petrol litre khat Rs. 101.91 leh Diesel litre khat Rs. 90.59 a ni tawh dawn a, Tuialhthei man sanna hi, a hma aiin Petrol-ah Rs. 2.96/L leh Diesel-ah Rs. 2.82/L in a sang a ni.

Akashvani zawhna chhangin Mizofed thuneitute chuan Mizoramah Petrol litre khat Rs 102.11 leh Diesel litre khat Rs 90.80 leh HP-ah 110.75 anih tawh thu a sawi a, tuialhthei man sanna hi, a rate hmasa aiin Petrol-ah Rs 2.96/L , Diesel-ah Rs 2.83 leh HP-ah Rs 2.96 a ni.



PM IN UAE

Prime Minister Narendra Modia leh UAE President Sheikh Mohamed bin Zayed Al Nahyan te chuan vawiin khan Abu Dhabi ah energy lama thawhdunna leh sumdawnna chungchang an sawidun. PM Modia hian vawiin khan UAE khawpui Abu Dhabi hi thlengin Presidential Airport ah UAE President Zayed Al Nahyan hian a lo hmuak a. Hruaitu pahnih te hi Abu Dhabi ah inkawm chhunzawmin energy chungchang bakah West Asia buaina thleng mekin khawvel a nghawng dan te an sawidun a. Pu Modia chuan tunhnaia UAE beih a ni chu a dem thu a sawi a ni.



NTA

National Testing Agency (NTA) chuan NEET-UG-2026 chu June ni 21 ah exam that leh a ni dawn tih a puang. Puan tawh angin tun thla ni 3 a exam lo neih tawh chu paper putrua puhna a awm avangin cancel a ni a. CBI chuan he thil thleng hi a chhui zui mek a ni.

Union Education Minister Dharmendra Pradhan chuan zirlaite chu an ngaih pawimawh ber an nih thu a sawi a. Sarwkar laipui chuan a ngaihven reng tih sawiin exam kalphungah pawh dik leh lai takin an buatsaih ang a ti a. NTA pawhin siamthat a mamawh tih sawiin exam kalphungah hian insiamthatna turin hmalak a ni dawn a ti a. Kumthar atang chuan NEET UG hi Computer Based Test (CBT) hmangin OMR hmanga kalpui a ni ang a ti.

